

蒙求集註
左氏蒙求註



蒙求集註

李瀚撰
徐光子補注

叢書集成初編

(補印本)

蒙求集註及其他一種

一九四〇年十二月初版
一九五九年十月補印

商務印書館出版

上海大東集成聯合印刷廠印刷

四庫全書提要

蒙求集註二卷。晉李瀚撰。瀚始末未詳。考李匡乂資暇集稱宗人瀚。作蒙求。則亦李勉之族。又五代史桑維翰傳稱初李瀚爲翰林學士。好飲而多酒過。晉高祖以爲浮薄。當卽其人也。其註不著撰人名氏。案陳振孫書錄解題曰。補註蒙求八卷。徐子光撰。以李瀚蒙求句爲之註。本句之外。兼及他人事。所言與此書相合。惟八卷之數。與此本二卷不同。然此本卷帙頗重。蓋後人以八卷合併也。其書以蒙求原文冠於卷首。後以每二句爲一節。各爲之註。註雖稍嫌冗漫。而頗爲精核。如呂望非熊句。以六韜原文無非熊字。則引崔駰達旨註始用非熊以明之。周嵩狼抗句。以晉書嵩傳作抗直。則引世說新語本作狼抗以明之。賈誼忌鵬句。以鵬賦無忌字。則引孔臧鴟賦賈生有識之士忌前鵬焉以明之。燕昭築臺句。以史記乃築宮非築臺。則引孔融與曹操書。鮑昭樂府皆稱築臺以明之。胡昭投簪句。以本傳無投簪字。則引摯虞所作昭贊以明之。如斯之類。皆爲不苟。凡其事未詳。而舊註所說莫知何據者。如趙孟疵面。子建八斗。蘇章負笈。申屠斷鞅。龍逢版出。何謙焚詞之類。皆疑以傳疑。亦不失詳慎。其中偶爾失檢者。朱翌猗覺寮雜記嘗摘其毛寶韓壽二事。今考紀瞻出妓句。事見世說新語。舊註所引不誤。而云今本不載。江革忠孝句。事見南史。乃以爲後漢之江革。改忠孝爲巨孝。顏叔秉燭句。云事出毛公詩傳。今詩傳實無此文。皆不免小舛。又如劉惔傾釀句。乃誤讀世說。以傾家之傾爲傾酒之傾。亦失於糾正。然大致淹通。實初學之津筏也。

蒙求正文

卷上

王戎簡要。裴楷清通。
謝安高潔。王導公忠。
周嵩狼抗。梁冀跋扈。
李陵初詩。田橫感歌。
嵇呂命駕。程孔傾蓋。
黃霸政殊。梁習治最。
杜后生齒。靈王出須。
瓘靖二妙。岳湛連璧。
鳴鶴日下。士龍雲間。
仲容青雲。叔夜玉山。
蕭何定律。叔孫制禮。
時苗留犢。羊續懸魚。

孔明臥龍。呂望非熊。
匡衡鑿壁。孫敬閉戶。
郗超髯參。王珣短簿。
武仲不休。士衡患多。
劇孟一敵。周處三害。
墨子悲絲。楊朱泣歧。
賈誼忌鵬。莊周畏犧。
卻詵一枝。戴憑重席。
晉宣狼顧。漢祖龍顏。
毛義奉檄。子路負米。
葛豐刺舉。息躬歷詆。
樊噲排闥。辛毗引裾。

楊震關西。丁寬易東。
郅都蒼鷹。甯成乳虎。
伏波標柱。博望尋河。
桓譚非讖。王商止訛。
胡廣補闕。袁安倚賴。
朱博烏集。蕭芝雉隨。
燕昭築臺。鄭莊置驛。
鄒陽長裾。王符縫掖。
鮑靚記井。羊祜識環。
江革巨孝。王覽友弟。
管寧割席。和嶠專車。
孫楚漱石。郝隆曬書。

枚臯詣闕充國自贊。
太叔辯洽摯仲辭翰。
于公高門曹參趣裝。
詰汾興魏鼂令王蜀。
太初日月季野陽秋。
丁公遽戮雍齒先侯。
季布一諾阮瞻三語。
孟軻養素揚雄草元。
魯恭馴雉宋均去獸。
魯褒錢神崔烈銅臭。
陵母伏劍軻親斷機。
胡威推縑陸績懷橘。
蔣詡三逕許由一瓢。
西施捧心孫壽折腰。
澹臺毀壁子罕辭寶。

王衍風鑒許劭月旦。
山濤識量毛玠公方。
庶女振風鄒衍降霜。
不疑誣金卞和泣玉。
荀陳德星李郭仙舟。
陳雷膠漆范張雞黍。
郭文游山袁宏泊渚。
向秀聞笛伯牙絕絃。
廣客蛇影殷師牛鬪。
梁竦廟食趙溫雄飛。
齊后破環謝女解圍。
羅含吞鳥江淹夢筆。
楊僕移關杜預建橋。
靈輒扶輪魏顥結草。
東平爲善司馬稱好。

賀循儒宗孫綽才冠。
爰盎卻坐衛瓘撫牀。
范丹生塵晏嬰脫粟。
檀卿沐猴謝尚鷁鶴。
王忱綉被張氏銅鈎。
周侯山嶷會稽霞舉。
黃琬對日秦宓論天。
郭槐自屈南郡猶憐。
元禮模楷季彥領袖。
枚乘蒲輪鄭均白衣。
鑿齒尺牘荀勗音律。
李廡清貞劉驎高率。
壽王議鼎杜林駁堯。
逸少傾寫平子絕倒。
公超霧市魯般雲梯。

田單火牛江適薺雞。
陳遵投轄山簡倒載。
呂安題鳳子猷尋戴。
馮衍歸里張昭塞門。
柳下直道叔敖陰德。
孫康映雪車允聚螢。
戴逵破琴謝敷應星。
史丹青蒲張湛白馬。
華歆忤旨陳羣蹙容。
桓溫奇骨鄧艾大志。
樗里智囊邊韶經筵。
馬后大練孟光荆釵。
秦彭攀轅侯霸臥轍。
巫馬戴星宓賤彈琴。
王喬雙鳥華佗五禽。

蔡裔殞盜張遼止啼。
淵客泣珠交甫解佩。
董宣彊項翟璜直言。
蘇韶鬼靈盧充幽婚。
張湯巧詆杜周深刻。
李充四部井春五經。
阮宣杖頭畢卓甕下。
隱之感鄰王脩輟社。
王濬懸刀丁固生松。
楊脩捷對羅友默記。
滕公佳城王果石崖。
顏叔秉燭宋宏不諧。
淳于炙輶彥國吐屑。
郝廉留錢雷義送金。
程邈隸書史籀大篆。

陳平多轍李廣成蹊。
龔勝不屈孫寶自劾。
紀昌貫虱養由號猿。
震畏四知秉去三惑。
三王尹京二鮑糾慝。
谷永筆札顧愷丹青。
文伯羞鼂孟宗寄鮒。
阮放八雋江泉四凶。
姜維膽斗盧植音鐘。
杜康造酒蒼頡制字。
買妻恥樵澤室犯齋。
鄧通銅山郭況金穴。
太真玉臺武子金埒。
逢萌挂冠胡昭投簪。
王承魚盜丙吉牛喘。

卷下

賈琮褰帷。郭賀露冕。
平叔傳粉。宏治凝脂。
韋賢滿籥。夏侯拾芥。
郭巨將坑。董永自賣。
伯道無兒。嵇紹不孤。
趙壹坎壈。顏驄蹇剝。

馮媛當熊。班女辭輦。
楊寶黃雀。毛寶白龜。
阮簡曠達。袁耿俊邁。
仲連蹈海。范蠡泛湖。
綠珠墜樓。文君當盧。
龔遂勸農。文翁興學。

王充閱市。董生下帷。
宿瘤採桑。漆室憂葵。
蘇武持節。鄭衆不拜。
文寶緝柳。溫舒截蒲。
伊尹負鼎。甯戚扣角。
晏御揚揚。五鹿嶽嶽。

龐統展驥。仇覽棲鸞。
蒙恬製筆。蔡倫造紙。
王敦傾室。紀瞻出妓。
屈原澤畔。漁父江濱。
甘寧奢侈。陸凱貴盛。
馮異大樹。千秋小車。

葛亮顧廬。韓信升壇。
孔伋緼袍。祭遵布被。
暴勝持斧。張綱埋輪。
魏勃埽門。潘岳望塵。
干木富義。於陵辭聘。
漂母進食。孫鍾設瓜。

蕭朱結綬。王貢彈冠。
王裒柏慘。閔損衣單。
周公握髮。蔡邕倒屣。
靈運曲笠。林宗折巾。
京房推律。翼奉觀性。
元凱傳癖。伯英草聖。

劉元刮席。晉惠聞蟆。
郭解借交。朱家脫急。

伊籍一拜。酈生長揖。
虞延刻期。盛吉垂泣。

壺公謫天。薊訓歷家。
馬安四至。應璩三入。

豫讓吞炭鉏麀觸槐
武陵桃源劉阮天台
甄后出拜劉楨平視
翟湯隱操許詢勝具
師曠清耳離婁明目
德潤傭書君平賣卜
元石沈湏劉伶解醒
趙孟疵面田駢天口
廣漢鉤距宏羊心計
濟叔不癡周兄無慧
廣德從橋君章拒獵
孫晨藁席原憲桑樞
朱雲折檻申屠斷鞅
丁蘭刻木伯瑜泣杖
龐儉鑿井陰方祀竈

阮孚蠟屐祖約好財
王儉墜車褚淵落水
胡嬪爭搏晉武傷指
優旃滑稽落下歷數
仲文照鏡臨江折軸
叔寶玉潤彥輔冰清
趙勝謝覽楚莊絕纓
張憑理窟裴頠談藪
衛青拜幕去病辭第
虞卿擔簦蘇章負笈
應奉五行安世三篋
端木辭金鍾離委珠
衛玠羊車王恭鶴氅
陳達豪爽田方簡傲
韓壽竊香王濛市帽

初平起石左慈擲杯
季倫錦障春申珠履
石慶數馬孔光溫樹
曼容自免子平畢娶
欒巴喫酒偃師舞木
衛后髮鬢飛燕體輕
惡來多力蜚廉善走
仲宣獨步子建八斗
酈寄賣友紀信詐帝
南風擲孕商受斲涉
相如題柱終軍棄繻
季札挂劍徐穉置芻
管仲隨馬倉舒釋象
黃向訪主陳寔遺盜
勾踐投醪陸抗嘗藥

孔愉放龜。張顥墮鵠。
孟陽擲瓦。賈氏如臯。
雷煥送劍。呂虔佩刀。
淮南食時。左思十稔。
季珪士首。長孺國器。
常林帶經。高鳳漂麥。
董奉活爨。扁鵲起號。
蔡琰辯琴。王粲覆碁。
姜肱共被。孔融讓果。
桓典避馬。王尊叱馭。
張翰失意。陶潛歸去。
廣利泉涌。王霸水合。
郭伋竹馬。劉寬蒲鞭。
王允千里。黃憲萬頃。
戴封積薪。耿恭拜井。

田豫儉素。李恂清約。
顏回簞瓢。仲蔚蓬蒿。
老萊斑衣。黃香扇枕。
劉惔傾釀。孝伯痛飲。
陸玩無人。賈詡非次。
孟嘉落帽。庾敳墮幘。
寇恂借一。何武去思。
西門投巫。何謙焚祠。
端康相代。亮陟隔坐。
鼂錯陷直。趙禹廉倨。
魏儲南館。漢相東閣。
孔融坐滿。鄭崇門雜。
許史侯盛。韋平相延。
虞駿才望。戴淵峯顥。
汲黯開倉。馮驩折券。

義縱攻剽。周陽暴虐。
麴竺收資。桓景登高。
王祥守奈。蔡順分樵。
女媧補天。長房縮地。
何晏神伏。郭奕心醉。
龍逢板出。張華台圯。
韓子孤憤。梁鴻五噫。
孟嘗還珠。劉昆反火。
趙倫瘤怪。梁孝牛禍。
亮遺巾幘。備失匕箸。
楚元置醴。陳蕃下榻。
張堪折轅。周鎮漏船。
雍伯種玉。黃尋飛錢。
史魚黜殯。子囊城郢。
齊景馴千。何曾食萬。

顧榮錫炙田文比飯
孔翊絕書申嘉私謁
郭丹約關祖逖誓江
蕭史鳳臺宋宗雞窗
張敞畫眉謝鯤折齒
伯成辭耕嚴陵去釣
二疏散金陸賈分橐
魏舒堂堂周舍鄂鄂
符朗皂白易牙淄澠
黥布開關張良燒棧
曼倩三冬陳思七步
苟弟轉酷嚴母掃墓
宋女愈謹敬姜猶績
芟繁撫華爾曹勉旃

稚珪蛙鳴彥倫鶴怨
淵明把菊眞長望月
賈逵問事許慎無雙
王陽囊衣馬援薏苡
盛彥感螭姜詩躍鯉
董遇三餘譙周獨笑
慈明八龍禰衡一鸚
無鹽如漆姑射若冰
周勃纖薄灌嬰販繒
陳遣飯感陶侃酒限
劉寵一錢廉范五袴
洪喬擲水陳泰挂壁
鮑照篇翰陳琳書檄

廉頗負荆須賈擢髮
子房取履釋之結轡
婁敬和親白起坑降
劉整交質五倫十起
宗資主諾成瑨坐嘯
將閭仰天王凌呼廟
不占殞車子雲投閣
邾子投火王思怒蠅
馬良白眉阮籍青眼
楚昭萍實束皙竹簡
汜毓字孤郗鑒吐哺
王述忿狷荀粲惑溺
浩浩萬古不可備甄

蒙求集註卷上

晉 李 瀚撰 宋 徐子光補註

王戎簡要裴楷清通

〔晉書〕王戎字濬冲。琅邪臨沂人。幼而穎悟。神彩秀徹。視日不眩。裴楷見而目之曰。戎眼爛爛如巖下電。阮籍素與戎交。渾爲友。戎年十五。隨渾在郎舍。少籍二十歲。籍與之交。籍每適渾。去輒過視戎。良久然後出。謂渾曰。濬冲清賞。非卿倫也。共卿言不如共阿戎談。歷官至司徒。○〔晉〕裴楷字叔則。河東聞喜人。明悟有識量。少與戎齊名。鍾會薦於文帝。辟相國掾。及吏部郎缺。帝問會。會曰。裴楷清通。王戎簡要。皆其選也。於是用楷。楷風神高邁。容儀俊爽。博涉羣書。特精理義。時謂之玉人。又稱見叔則。如近玉山。映照人也。轉中書郎。出入官省。見者肅然改容。武帝登祚。探策以卜世數多少。既而得一不悅。羣臣失色。楷曰。臣聞天得一以清。地得一以寧。王侯得一以爲天下貞。帝大悅。累遷中書令。侍中。

孔明臥龍呂望非熊

〔蜀志〕諸葛亮。琅邪陽都人。躬耕隴畝。好爲梁父吟。每自比管仲樂毅。時人莫之許。惟崔州平徐庶。與亮友善。謂爲信然。時先主屯新野。徐庶見之。謂曰。諸葛孔明臥龍也。將軍豈願見之乎。此人可就見。不可屈致。宜枉駕顧之。先主遂詣亮。凡三往。乃見。因屏人與計事。善之。於是情好日密。關羽張飛等不悅。先主曰。孤之有孔明。猶魚之有水也。願勿復言。及稱尊號。以亮爲丞相。漢晉春秋曰。亮家南陽鄧縣。襄陽城西。號曰隆中。○〔六韜〕文王將田。史編布卜。日田於渭陽。將大得焉。非龍非虺。非虎非貔。兆得公侯。天遣汝師。

以之佐昌施及三王文王曰兆致是也史編曰編之太祖史嚳爲禹占得臯陶兆比於此文王乃齋三日田於渭陽卒見太公望茅以漁文王勞而問之乃載與歸立爲師舊本作非熊非熊疑流俗承誤後世莫知是正耳按後漢崔駰達旨辭曰或以漁父見兆於元龜注云西伯出獵卜之曰所獲非龍非影非熊非羆所獲霸王之輔所謂非熊蓋本諸此

楊震關西丁寬易東

〔後漢〕楊震字伯起宏農華陰人少好學明經博覽無不窮究諸儒爲之語曰關西孔子楊伯起常客居於湖不答州郡禮命數十年衆謂之晚暮而志愈篤後有冠雀銜三鱧魚飛集講堂前都講取魚進曰蛇鱧者卿大夫服之象也數三者法三台也先生自此升矣年五十乃始仕州郡安帝時爲太尉○〔前漢〕丁寬字子襄梁人初梁項生從田何受易時寬爲項生從者讀易精敏材過項生遂事何學成東歸何謂門人曰易以東矣寬復從周王孫受古義號周氏傳景帝時爲梁孝王將軍作易說三萬言訓故舉大誼已而

謝安高潔王導公忠

〔晉書〕謝安字安石陳國陽夏人年四歲桓彝見而嘆曰此兒風神秀徹後當不減王東海王導亦深器之由是少有重名初辟除並以疾辭有司奏安被召歷年不至禁錮終身遂棲遲東山常往臨安山中放情邱壑然每遊賞必以妓女從時弟萬爲四中郎將總藩任之重安雖處衡門出其右有公輔望年四十餘始有仕志征西大將軍桓溫請爲司馬朝士咸送中丞高崧戲之曰卿屢違朝旨高臥東山諸人每相與言安石不肯出將如蒼生何蒼生今亦將如卿何安有愧色後拜吏部尙書時孝武立政不自已桓溫

威振內外。安盡忠匡翼。終能輯穆。進中書監。錄尚書事。符堅率衆次淮。肥加安征討大都督。既破堅。以摠統功。進太保。薨。贈太傅。諡文靖。○〔晉〕王導。字茂宏。光祿大夫。覽之孫。少有風鑒。識量清遠。陳留高士張公見而奇之。謂其從兄敦曰。此兒容貌志氣。將相之器也。元帝爲琅邪王。與導素相親善。導知天下已亂。遂傾心推奉。潛有興復之志。帝亦雅相器重。會帝出鎮下邳。請導爲安東司馬。軍謀密策。知無不爲。帝嘗謂曰。卿吾之蕭何也。累遷中書監。錄尚書事。及帝登尊號。百官陪列。命導升御牀共坐。導固辭曰。若太昌下同萬物。蒼生何由仰。照帝乃止。進位司空。

匡衡鑿壁孫敬閉戶

〔前漢〕匡衡。字稚圭。東海承人。父世農夫。至衡好學家貧。庸作以供實用。尤精力過絕人。諸儒爲之語曰。無說詩。匡鼎來。匡語詩。解人頤。射策甲科。元帝時爲丞相。西京雜記曰。衡勤學無燭。鄰舍有燭而不逮。衡乃穿壁引其光而讀之。邑大姓文不識名。家富多書。衡乃與其客作。而不求償。願得書遍讀之。主人感歎。資給以書。遂成大學。○〔楚國先賢傳〕孫敬。字文寶。常閉戶讀書。睡則以繩繫頭懸之梁上。嘗入市。市人見之。皆曰。閉戶先生來也。辟命不至。

邳都蒼鷹甯成乳虎

〔前漢〕邳都。河東太陽人。景帝時爲中郎將。敢直諫。面折大臣於朝。遷中尉。是時民饑。畏罪自重。而都獨先嚴酷。故行法不避貴戚。列侯宗室見皆側目。而視號曰蒼鷹。拜鴈門太守。匈奴素聞都節。舉邊爲引去。竟都死。不近鴈門。匈奴至爲偶人象都。令騎馳射。莫能中。其見憚如此。匈奴患之。乃中都。以漢法卒斬之。○〔前漢〕甯成。南陽穰人。以郎謁者事景帝。好氣爲小吏。必陵其長吏。爲人上躁下急。如東溼爲中尉。其治効邳都。其廉弗如武帝。卽位徙爲內史。外戚多毀其短。抵罪後。上欲以爲郡守。公孫宏曰。臣爲小吏時。

成爲濟南都尉。其治如狼牧羊。不可使治民。上乃拜爲關都尉。歲餘。關東吏隸郡國出人關者。號曰寧見乳虎。無值甯成之怒。其暴如此。

周嵩狼抗梁冀跋扈

〔晉書〕周嵩字仲智。兄顗字伯仁。汝南安成人。中興時。顗等並列貴位。嘗冬至置酒。其母舉觴。賜三子曰。吾本渡江。託足無所。不謂爾等並貴。列吾目前。吾復何憂。嵩起曰。恐不如尊旨。伯仁志大而才短。名重而識闇。好乘人之弊。非自全之道。嵩性抗直。亦不容於世。唯阿奴碌碌。當在阿母目下耳。阿奴嵩弟。謨小字也。後顗嵩並爲王敦所害。謨歷侍中護軍。〔世說〕抗直作狼抗。〔晉書〕周顗傳。處仲剛愎強忍。狼抗無上。處仲王敦字也。○〔後漢〕梁冀字伯卓。褒親惡侯。竦之元孫。爲人齋肩豹目。洞精瞻眄。口吟舌言。拜大將軍。侈暴滋甚。冲帝崩。冀立質帝。少聰惠。知冀驕橫。嘗朝羣臣。目冀曰。此跋扈將軍也。冀聞深惡之。遂燔殺。復立桓帝。而枉害太尉李固。杜喬。海內嗟懼。其四方調發。歲時貢獻。皆先輸上第於冀。乘輿乃其次焉。一門前後七封后。三皇后。六貴人。二大將軍。在位二十餘年。窮極滿盛。威行內外。百僚側目。莫敢違命。天子恭己。不得有所親。豫帝既不平之。後發怒誅冀。中外宗親。無長少。皆棄市。他適及公卿列校。刺史二千石死者數十人。故吏賓客免黜者三百餘人。朝廷爲空。收冀財貨三十餘萬萬。以充王府用。滅天下稅租之半。

郝超髯參王珣短簿

〔晉書〕郝超字景興。太尉鑒之孫。少卓犖不羈。有曠世之度。善談論。義理精微。大司馬桓溫辟爲參軍。溫英氣高邁。罕有所推。與超言。常謂不能測。遂顧意禮待。超亦深自結納。時王珣爲溫主簿。亦爲溫所重。府中語曰。髯參軍。短主簿。能令公喜。超髯珣珣

短故也。○〔晉〕王珣字元琳，丞相導之孫，弱冠與謝元爲溫掾。溫嘗謂之曰：「謝掾年四十，必擁旄杖節，王掾當作黑頭公，皆未易才也。」孝武時爲僕射，領吏部，帝雅好典籍，以才學文章見昵。夢人以大筆如掾與之，既覺，語人曰：「此當有大手筆事，俄而帝崩，哀册謚議皆珣所草。」元字幼度，少穎悟，爲叔父安所器重。安嘗戒約子姪，因曰：「子弟亦何豫人事，而正欲使其佳？」諸人莫有言者。元答曰：「譬如芝蘭玉樹，欲使其生於庭階耳。」安悅，時符堅入寇，朝廷求文武良將，可以鎮禦北方，安乃以元應舉。進冠軍將軍，爲前鋒都督，與從弟輔國將軍琰決戰淝水南，堅衆奔潰，棄甲宵遁，聞風聲鶴唳，皆以爲王師已至，進號前將軍。

伏波標柱博望尋河

〔後漢〕馬援字文淵，扶風茂陵人，少有大志，嘗謂賓客曰：「丈夫爲志，窮當益堅，老當益壯。」建武中，歷虎賁中郎將，數被遣見，爲人明鬚髮，眉目如畫，閑於進對，又善兵策。帝嘗言：「伏波論兵，與我意合，有謀未嘗不用。」後交阯女子徵側等反，變夷皆應之，拜援爲伏波將軍，擊破之，封新息侯。援乃擊牛醢酒，勞饗軍士，將樓船戰士進擊餘黨，嶠南悉平。後復請擊武陵五溪蠻夷，時年六十二，帝惡其老，援曰：「臣尙能被甲上馬，帝令試之。」援據鞍顧盼，以示可用，帝笑曰：「耄耋哉是翁也。」遂遣征之，進營壺頭，會暑甚，中病卒。廣州記曰：援到交阯，立銅柱爲漢之極界。○〔前漢〕張騫，漢中人，建元中爲郎，武帝方欲事滅胡，選募能使者，騫應募，使月氏，徑匈奴，留十餘歲，持漢節不失，因與其屬亡鄉月氏，後亡歸，拜太中大夫。騫身所至者，大宛、大月氏、大夏、康居，而傳聞其旁大國五六，具爲天子言其地形所有。元朔中，以校尉從大將軍擊匈奴，知水草處，軍得以不乏，封博望侯。贊曰：「禹本紀言河出昆侖，昆侖高二千五百里，餘日月所相避隱爲光明也，自張騫使大夏之後，窮河源，悉睹所謂昆侖者乎？」舊注云：「得支機石，歸未詳所出。」

李陵初詩田橫感歌

〔前漢〕李陵字少卿。前將軍廣之孫。少爲侍中建章監。善騎射。愛人。謙遜下士。甚得名譽。武帝以爲有廣之風。拜騎都尉。天漢二年。將步卒五千人征匈奴。戰敗。遂降焉。初陵與蘇武俱爲侍中。武使匈奴。明年陵降。後昭帝立。與匈奴和親。武得還。漢陵以詩贈別曰。擲手上河梁。游子暮何之。徘徊踐路側。悵悵不得辭。晨風鳴北林。熠燿東南飛。浮雲日千里。安知我心悲。武別陵詩曰。雙鳬俱北飛。一鳬獨南翔。子當留斯館。我當歸故鄉。一別如秦胡。會見何渠央。悵悵切中懷。不覺淚霑裳。顧子長努力。言笑莫相忘。五言詩蓋自此始。○〔前漢〕田橫。狄人。故齊王田氏之族。秦末自立爲齊王。漢將灌嬰敗橫軍。遂平齊地。橫懼誅。與其徒居海島中。高帝召之。迺與其客二人乘傳詣洛陽。謝使者曰。橫始與漢王俱南面稱孤。今王爲天子。而橫爲亡虜。其愧已甚。遂自剄。令客奉其頭奏之。高帝爲之流涕。以王禮葬之。拜其二客爲都尉。既葬。二客穿其冢旁。皆自剄。其餘五百人在海中聞橫死。亦皆自殺。李周翰曰。橫自殺。從者不敢哭。而不勝哀。故爲悲歌以寄情。後廣之爲薤露。蒿里歌。以送終。至李延年分爲二等。薤露遂王公貴人。蒿里送士大夫庶人。挽柩者歌之。因呼爲挽歌。

武仲不休士衡患多

〔後漢〕傅毅字武仲。扶風茂陵人。少博學。肅宗博召文學之士。以毅爲蘭臺令史。拜郎中。與班固賈逵共典校書。毅追美明帝功德最盛。而廟頌未立。乃依清廟作顯宗頌十篇奏之。由是文雅顯於朝廷。魏文帝典論曰。文人相傾。自古而然。傅毅之於班固。伯仲之間耳。而固小之。與弟超書曰。武仲以能屬文。爲蘭臺令史。下筆不能自休。○〔晉〕陸機字士衡。吳郡人。大司馬抗之子。身長七尺。其聲如鐘。少有異才。文章冠世。與弟雲俱入洛。造太常張華。華素重其名。如舊相識。曰。伐吳之役。利獲二人。遂薦之。諸公又詣侍中王濟。濟指羊酪謂曰。吳中何以敵此。答云。千里羣羢。未下騶駼。時人稱爲名對。機天才秀逸。辭藻宏麗。華嘗謂之曰。人之爲文。常恨才少。而子更患其多。弟雲嘗與書曰。君苗見兄文。輒欲燒其筆硯。華薦之。諸公累遷中書郎。後成都王穎起兵討長沙王。又假機後將。